

Na osnovu člana 40. stav 1. i člana 47. stav 2. alineja 1. Zakona o prostornom uređenju Kantona Sarajevo ("Službene novine Kantona Sarajevo", broj 7/05), te člana 15. stav 1. tačka 1. i člana 24. stav 1. tačka 2. Statuta Grada Sarajeva ("Službene novine Kantona Sarajevo", broj 12/98 i 14/98), Gradsko vijeće Grada Sarajeva je, na sjednici održanoj dana 28. juna 2005. godine, donijelo

ODLUKU

O DOPUNI ODLUKE O PRISTUPANJU IZRADI IZMJENA I DOPUNA REGULACIONOG PLANA "SOUKBUNAR"

Član 1.

Dopunjuje se član 12. Odluke o pristupanju izradi Izmjena i dopuna Regulacionog plana "Soukbunar" ("Službene novine Kantona Sarajevo", broj 19/04), tako da se iza prvog stava dodaje drugi stav koji glasi:

- Iz režima zabrane građenja izuzima se parcela, k.č.broj 2127/1 K.O. Sarajevo VII (novi premjer) što odgovara po starom premjeru k.č.broj 175, Mahala CXXXIV, namijenjena za izgradnju vjerskog objekta - džamije, za koju je ranije izdata urbanistička saglasnost, s tim da je osnov za izdavanje odobrenja za građenje stručno mišljenje Zavoda za planiranje razvoja Kantona Sarajevo, koje će se donijeti na bazi Elaborata sa detaljnim inženjersko-geološkim istražnim radovima i uslovima temeljenja pomenutog objekta i pripadajućeg uređenja zemljišta.

Član 2.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-996/05
28. juna 2005. godine
Sarajevo

Predsjedavajući
Gradskog vijeća
Marin Ivanišević, s. r.

